

■ DA LA VITA DA LUDMILLA CAHENZLI

Litania da chalzers

DA LUDMILLA CAHENZLI

Pront m'ha insatgi mussà l'utschè. Quel tip aveva legì l'ultima columna (LQ dals 4 da november). En lezza avev'jau scrit ch'i saja normal da cumprà 25 pèra chalzers ad onn. Para che mias explicaziuns n'èn betg stadas chapaivlas a quest tip che m'ha mussà l'utschè. Perquai less jau, Ludmilla Cahenzli, explitgar en detagl co ch'jau vegn sin 25 pèra chalzers.

La stad, avant che la scola cumenza, èsi il pli brutal. Mes trais uffants dovràn stgalfins e chalzers da gimnastica per la scola: Mia gronda isa ses stgalfins adina sco in dinosaurier. Uschia na po mes figl mesaun betg pli duvra il stgalfins da sia sora. La pitschna pudess atgnamain prender il stgalfins dal mesaun. Ma ella protesta: «Quai èn stgalfins da mats, quels na tir jau betg en.» Jau cumprà **traì-pèra stgalfins**.

Cun ils chalzers da gimnastica (exnum cun solas cleras per en halla) n'èsi betg uschè nausch. Qua po il mesaun entar ils chalzers da la gronda. Da gimnastica è lezza numnadamain uschè marscha ch'ìs chalzers vesan ora sco novs suenter in onn. Ma il commentari da la pitschna che duess prender il chalzers dal mat: «Quels na tir jau betg en, quels toffan.» E damai ch'jau chapesch sias resalvas – jau na trajess gea era mai en chalzers dad Eugen Cahenzli – obtegna ella novs. Nus fissan cun stgalfins e chalzers da gimnastica già tar **tschintg pèra chalzers**.

La scola cumenza, ed i vegn l'emprima daratga: «Mamma, mias stivlas èn memia pitschnas.»

«Sche prenda quella da la gronda», ditg jau.

«Lezzas han ina rusna.»

Jau cumprà stivlas per la gronda e per il mesaun. La pitschna survegn quella dal mesaun. Era sch'ì toffan. Nus fissan tar **set pèra chalzers**.

Tuttenina hai num: «Nus main sin viadi da scola. Il scolast ha ditg che nus stoppian avair chalzers auts, uschiglio stuain nus star a chasa.» Ludmilla va cun la gronda a cumprà chalzers da culm. Fa otg.

Ivegn che bischa. Ludmilla va giun tschaler e prenda nanavant il chalzers d'enviern da l'onn passà. La gronda dovra sa chapescha novs. Ils dus pitschens pon segir duvra il veders. Ma il chalzers dal mesaun da l'onn passà èn era già memia pitschens per la pitschna. Merda, jau avev extra cumprà buns e chars per ch'els tegnian anc per la pitschna. Sdiavlar na gida nagut. Jau cumprà chalzers d'enviern per la gronda e per la pitschna, uschia che **nus fissan tar diesch**.

Per il sport d'enviern dovri chalzers da skis, patinas e boots da naiv. En la media èn quai traì-pèra chalzers per stagiun. Nus fissan tar **trebesch**.

Jau, Ludmilla, survegn da Nadal da mamez stivlas da tgirom, mega modernas e perquai mega charas. I dat novs stgalfins chauds per la gronda e novs chalzers d'enviern per Eugen. El na vul atgnamain nagins ed insista ch'el possia anc trair en il vegl (annada 1989), ma puncto chalzers na dastgan ins betg adina tadlar sin il umens. Insumma: Co vesiss quai ora, sch'jau giess cun mias stivlas novas, e mes um trot-

tass suenter sco in pauper galiot cun chalzeram da l'ultim tschientaner? En nossa contabilitad da chalzers fissan nus tar **16 pèra chalzers**.

Dal schaner fin il mars marscha pauc punto chalzers. Ins po far autras investiziuns.

Avant ch'ì fa primavaira avom jau giun tschaler e prend siadora las sandalas ed il chalzers da gimnastica per la stad. Il chalzers da gimnastica vesan ora sgarschavel: grisch e tuffus. Jau als mett en la maschina da lavar. I sorta be pli in-pèra, tschai è tocca. Il pèr entir va a la pitschna. Lezza ma guarda cun in'egliada cun milli renfatschas cura ch'ella sto empruvar en il chalzers. Jau vegn bunamain lomma. Ma: «Na, quella gida na survegnas ti nagins auters.» «Sulet» il dus gronds ston avair novs. Nus fissan tar **18 pèra**.

Il mat ha emprima com-muniun. El na po tuttina betg ir en baselgia cun chalzers da gimnastica: **Fa 19**. La gronda dovra puspè stivlas da plievgia (sa sch'ins na pudess betg inventar stivlas da gomma da strech?). **Fa 20**. Las mattas vulan schlarpas per las vacanzas da stad. **Fa 22**. Jau vi era schlarpas. **Fa 23**. E cura ch'jau cumprà mias schlarpas, ves'jau gist anc in pèr total bellas sandalas per mai. **Fa 24**. Per cletg plaschan las sandalas era ad Eugen.

Da mesa stad vegn anc il mat (sco descrit en l'ultima columna) e dovra auters chalzers da gimnastica perquai che quels ch'jau avev cumprà la primavaira èn già memia pitschens. Nus fissan tar **25 pèra chalzers** en la contabilitad d'in soli onn.